

Cartas nordic

Un serie de photos de locationes in le paisés nordic
– e lor historia narrate in alcun lineas in interlingua como inspiration.



■ **Aarhus, Danmark:** Le homines se move la in alto! Al summitate del museo de arte in Aarhus, le secunde plus grande urbe danese, se trova le circulo panoramic, “Tu iris”, create per le artista danese-islandese Olafur Eliasson in 2011. Illo es 150 metros longe, tres metros large e create in vitro in tote le colores del spectro. Columnas 3,5 metros alte porta le construction, ab le qual on pote vider tote Aarhus, inclusive le baia vicin. E tote Aarhus pote vider le homines qui se move la in alto. Il ha un terrassa super le tecto ubi on durante le menses plus calide pote seder e reguardar toto. Aros in dece etages es inter le plus grande museos in Europa del Nord. *Texto e photo: Thomas Breinstrup*

Interlingua – communication sin frontieras
www.interlingua.dk | www.interlingua.com

© 2018

Questiones

1. Ha il un bon vista ab “Tu iris”? Que pote on vider?

2. Que ha il in le edificio sub le circulo panoramic?

3. Ubi in Danmark pote on visitar le museo Aros (reguarda le mappa e explica)?

4. Qui esseva le creator de “Tu iris”, e proque es illo colorate?

5. Que pensa tu del construction: Es illo elegante – o fede? E proque?
